

MUNDU NOU.

(Paraulas de su sole).

"Eo, cale divinu ambasciadore,
Paghe preigo, paghe a sos mundanos:
Populos totu, dadebos sas manos!
Vivat sa vida, sa paghe, s'anore!

In ogni biddizzola, ogni zittade,
Olvidados sos dolos et pibios,
A littera^s de oro, fizzas mios,
Bido "Sa Via De Sa Veridade".

Ei sa veridade est praticada/
Totue, dae mannos et minores;
Et respirant plantas et fiores
Aria de veridade profumada.

S'istranzu in bidde anzena pe ponzende
Hat basos de sa pius bella agiana;
Sa idea de sa carre ch'est lontana...
Et paret una prinzipe arrivende.

Sos maridos chi lassant sas musseres
In podere de amigos et parentes
Sunt seguros che cando fint presentes.
Adiu, falzos, bascios piagheres!

Totu bellu est/ et santu. Su dolore
Assettadu est cum animu saremu.
Su malture cantende a lemu a lemu
Paret grascias torrare a su Signore.

In sos affidos b'est su mundu intreu,
Cosas raras cantende a boghe manna;
Et totu abbrazzant de domo in sa gianna
Custos isposos in nomen de Deu.

Maì nesciunu suerat de badas,
Nemos traighet, ognunu est cuntentu,
Et produit sa terra de unu oventu,
Sunt finas sas annedas cambiadas.

In sas dies de festa in sos balcones
De ogni palte et logu, a d'ogni entu,
In sos mares de ogni bastimentu
Bogant una bandera sas pessones.

Tota est bianca: "Caridade et Fide"
-Si bi legget- "Trabagliu et Allegria!"
Ah! Sa vida! Ite bella poesia!
Omnes totu, creide, creide!"

Fiorin Fiorello.

S'OMINE.

Est bellu de fattura, de ammirare,
Su menzus de ogni essere vivente.
De differentes razzas, est presente
In sa terra, su mundu pro onorare.
Campare ischit et morrer pro amare,
Trabagliat cum su brazzu et cum sa mente;
Re, fizza de unu Re tantu potente,
Padronizat in ohelu, terra et amare.
Babbu de meravigzas sas pius bellas,
Torrat a nudda, ei sa vida sua
Tando cominzat pius santa et pura.
Cust'a d'ognunu narant sas istellas
Ei sa risida luna posta in fua,
Su sole et totaganta sa natura.
Fiorin Fiorello.

ORA SANTA.

Beneittu su mundu, beneittu!
Cand'una mama allattat narat "Deu!"
Et issa: Fizzu meu, fizzu meu,
Mai pattas nè fame et nè frittù!
Risponder paret su puppu rassittu:
Cuncoldia in su mundu totu intreu!
Nemos sentat in s'anima unu neu;
Su pane buschet ogni poverittu!
Narat s'olie: Est custa ora 'e paghe;
S'ispiga narat: Cust'est ora santa;
Ei sa mama: Sabiu ti faghe.
Et abbrazzat et basat su puppittu
Cum su coro contentu canta canta...
Beneittu su mundu, beneittu!

Fiorin Fiorello.